




Hruaina Eng IV

(Zawhna leh Chhanna)

MZ
220.6
HRU

Mizoram State Library


10652



Synod Revival Series No. 3 of 1982

Hruaina Eng IV

(Zawhna leh Chhanna)



SYNOD PUBLICATION BOARD

**PUBLISHED
BY
SYNOD PUBLICATION BOARD
FOR
SYNOD REVIVAL COMMITTEE**

All Rights Reserved
Chhut khatna—1982
Copies 600
Chhut hnihna—1982
Copies 2,000

**PRINTED
AT
SYNOD PRESS, MIZORAM**

SYNOD PUBLICATION BOARD THUCHANG

Synod-in Revival Committee a din aţang khân hmun
brang hranga Kohhranho tlawha thu rawngbâwl
neih chhoh reng a ni a. Kohhranho pawhin kan
sâwtpui hle niin a hriat a. A tûl anga kalpui zêl
tûr pawh a la ni ang.

Chu mi bâkah chuan mi pawimawhte ko khâwmin,
kan ram Kristiante tâna thu pawimawh zual zirho-
na te buatsaih a ni tshin a. Chutianga zirhona leh
rawngbâwltu kal vêlten Kohhranhote hnên aţanga
thu tûl zual an lâk khâwmte aţangin, Kohhranhote
kaihbruai nân lehkhahu chhuah a ni bawh tshin.

Hruaina Eng IV hi zawhna leh chhânna hlir a ni a.
Chhiartu tân pawh hriat a awl zual ang. Chhut
hmasakah copy 600 chaub a nih avângin mi ma-
mawh a daih lo hle a, chhut nawn leh nghâl a ni
ta a ni. Hruaina Eng a ni ang ngei hian, a zau
thei ang berin inbruai nân hmang thei ila a tâng-
kai zual ang.

16.7.1982

Editor,
Synod Publication Board.

HRUAINA' ENG IV

Z. Mizoram Harhna Pathian Thlarau Hnathawh, Mizote Kristiana siamtu ber kha Khasi ram min pêk ve an ti mai hi tak tak em ni?

Ch. Ni lo vang. Khasi rama Harhna zu chhimtuten an rawn puak chhuah anga sawi ni tak mah sela, Khasi rammin min pêk ve chu a ni lo vang. Khasi rama Mairang Khâwmpui zuk chhimtute hmangin Mizoramah Pathianin Harhna a rawn thlentîr a ni zâwk ang chu.

Z. Zai hlimna leh lâmnâ leh tawnghriatlohte hi Thlarau Thianghlim hnathawh vek a ni em?

Ch. Ni vek e. Zai hlimna leh lâmnâ hi Thlarau rah hlimna (Gal. 5:23) a lo lan chhuahna kawng khat ni âwm tak a ni a. Tawnghriatloh erawh chu Thlarau thilpêk chi 9 zînga pakhat a ni (I Kor. 12:10). Hlimna leh lâmnâ te hi Pathian Thlarauva hlimna leh lâwmna a ni a. Pathian faka zai leh hlimna hi an inkawp avângin Pathian fak nân aia hlim nân zai mai awl tak a ni a, Pathian fakna blimpui tûra inzirtîr a tûl hle. Pathian fakna aia hlimna kan dah pawimawh zâwk chuan Hlimna, Harhnain a tum ber a fuh tawh lo va, Kohbranah mîrnat thiam lohna pawh a chhuak duh bik a ni. Tin, Tawnghriatloh hi brilhfiahtu an awm loh chuan Kohbranho Pathian Biak Inkhâwmah tih loh tûr a ni tib Tirhkoh Paulan a sawi hi kan bre reng tûr a ni bawh (I Kor. 14:28).

Z. Kan Synod hian lâm hi a khâp rêng em ni?

Ch. Khap suh e. Pâwl dang eng emaw zât hian kan Kohhrana mi hlimte hi an pâwla telah an duh a, an thlêm thîn a, an thlêm thlu thei si lo va, a bum chhuahna kawng an zawng ta a. Synod-in lâm a phal lo, Synod-in Thlarau a duh lo, Synod-in hlim a duh lo te an ti vêl ta a. Kan Kohhrana mi hlimte bum chhuah nâna an thiam bla mai mai a ni a, tak tak a ni lo tih kan hre reng tûr a ni.

Z. Tûn laia piangthar. chhandam nih inhriate hian lâm leh şawngbriatloh lam chi hi chu an hnâwl deuh hian a lang a, a dik dâwn em ni?

Ch. Tûn hma deuh kha chuan chutianga ngaihbel theih deuh chuan thil a awm niin a lang. Tûn-ah chuan piantharna leh hlimna hi Thlarau hmun khat aţanga lo chhuak a ni tih an hre tawh a, an hre thiam tawn tawh zâwk niin a lang. Hlim baw, Piangthar baw te, Piangthar baw hlim baw te an tam ta a ni. Heti tûr hi a ni rêng a. Hlimna leh Piantharna hi Harh-na chi hnih uarşâwng hrang hret mai an ni. Hlimnain Pathian Thlarauva hlimna leh lâwmna a uar a, Piantharnain chhandamna leh chhandam nih inhriatna lam a uar a, a inkêh lo rêng a ni. Piantharnain chhandamna a uar a, Hlimna in chhandam hlimna a uar a, ringtu mi pakhatin chan ve ve theih, chan ve ve awm tak a ni.

Z. Lu chungâ kut nghata inşawngţai te hi ngaithei lo riau an awm a, a şa lo em ni?

Ch. Lu chung a kut nghata intawngtai ringawt chu ngaih theih loh tûr a awm lo va. Mahse, kut nghah dâna thuin ngaih theih loh chu a awm thei ang. Hmeichhia leh Mipa lu chung a kut nghata intawngtai a, inzût inzût te, mipa leh hmeichhia pindana mi hmuh lohva afâla lu chung a kut nghata intawngtai te hi chu kan ngaithei tûr a ni lo vang.

Z. Chhandam nih inhre lo chu chhandam an ni lo vang, ti te hi an awm a, a dik dâwn em ni?

Ch. Dik lo vang. Chhandamna chu Lal Isua rin hi a ni a, ringtu zawng zawng chu chhandam nih an inhria emaw hre lo emaw chhandam an ni vek dâwn a ni. Chhandamna hi mi zawng zawng tân a nih avângin tumah lo inhuphurh tûr a ni lo ve. Amaherawhchu ringtu invuah, ring tak tak si lo te, chuandam nih inhria, hre dik si lo te a awm theih dâwn a ni ang. Lal Isua hminga ramhuai hnawt chhuak theite meuh pawh Lal Isuan, "Nangni thil sual tite u, ka hre ngai lo va che u, ka hnên ata kal bo rawh u" a la ti dâwn si a. Chuvângin Lal Isua hi Lal leh Chhandamtu atân kan ringin kan pawm tak tak tûr a ni. (Mt. 7:21-23). Lal Isua ringa Pathian duhzâwng titute chauh vân ramah an lût dâwn a ni. (Mat. 7:21).

Z. Bul deuhvah han inzâwt leh ta rih ila, Evi leh Adama khân thei an ei hma khân chhia leh tha hriatna an nei lo te an ti a, tak tak emaw ni le?

- Ch. Ni lo ve. Mihring chu Pathianin ama anpuia chhia leh tha hriatna neia duh thlang theia a siam an nih avângin an chhia leh tha hriatna hmangin an tâna tha tûr nia an hriat sual an tblad ta zâwk a nih kha. Chhia leh tha hriatna nei lo hnênah, "Hei hi ei la, kha kha ei suh," a tih theih hleih nêh. Pathianin Eden huana a dah nî khân, "Huana thing tinrêng rahte hi in duh duhin in ei thei e, a chhia leh a tha hriatna thing rah crawh hi chu in ei tûr a nî lo; in ei chuan in ei nî la lain in thi ngei tûr a nî" a tih avâng hian chhia leh tha hriatna nei, duh thlang thei an nî tih a Chiang a nî.
- Z. Evi leh Adama bawhchhiatna avâng ngawta mi sual ni nge maw kan nih, keimahni sual vâng zâwk le?
- Ch. A ni ve ve a ni ang e. Kristiante rin dân chuan Adama aţang khân sual kan inthlah chhâwng zêl a, chuvâng chuan mi tinin thil kan tisual zêl nia rin a ni. Tirhkoh Paulan, "Mi pakhat avângin sual khawvêlah a lo lût a." "Adamaah chuan mi zawng zawng an thi thîn ang hian" a tihte (Rom 5:12; I Kor 15:22), leh Sâm ziaktuin, "Ngai teh, khawlohnâa din-in ka awm a, Ka nu'n sualin mi pai a" (Sâm 61:5) a tihte hi tan chhanin sual hi Adama aţang khân kan inthlah chhâwng zêl nia rin a ni a. Mahse, Tirhkoh Paula leh Sâm ziaktu hian sual inthlah chhâwn thu hi sawi lovin sualin mi zawng zawng a fan hnehzia an sawi

zâwk pawh a ni thei bawk ang. Lal Isua chuan sual inthlah chhâwn thu a sawi lo va, inthlah chhâwn loh thu a sawi hek lo va, ni zawng zawng hi mi sual, sim tûr nei ni vekin min hmuh a, "Sim ula Chanchin Tha hi ring rawh u," tiin, Pathian ram thu a rawn sawi mai a ni (Mk. 1:15). Sual inthlah chhâwn chu lo ni ta pawh ni sela, kan sual zawng zawng Adama bel vek mai chu a dik lo vang. Adaman duh pawh a duh bik lo vang. Lal Isuan min hmuh dân hi a dik ber ang. Tirkoh Paula pawh hian "Mi pakhat avângin sual khawvêlah a lo lût a," a tih zawhin, "Chutiang bawkin mi zawng zawngin thil an lo tihsual avângin" a ti leh chiah a ni. Adama bawhchhiatna avâng mai pawh ni lovin keimahni ngeiin thil kan tihsual bawk avângin mi zawng zawng hi mi sual kan ni niin a lang.

Z. "Isua mi sualte aia a thih avâng khân chhandam kan ni vek a, chu mi hriat chu chhandamna a ni mai," an ti a. Chhandamna hi chuti maia hlawh emaw neih emaw theih em ni?

Ch. Isua mi sualte aia a thih avâng khân chhandam kan ni vek a, tih chu Isua mi sualte aia thi anga sawina dik tâwk lohna lai a ni. Mi sualte aia thi a nih chuan rin leh rin loh pawh khân korî tu tûr a ni lo va, mi zawng zawng chhandam a kâwk thei rêng a ni. Mahse, Kristanten angial anganin an ta ngai lo ve, Lal Isua kan rin avânga chhandam kan nih theih dân hrihfhiahna chi khatab an hmang chauh

zâwk a ni. I zawh anga hrilhfiabna hian sîr khat chu tîfiah tha hle mah se, a mal ngawta rin dâwn chuan harsatna tam tak a awm thei a ni. "Chu mi hriat chu Chhandamna a ni," tih pawh chu Kristiante zirtîr dân a ni lo va, Hindu zirtîrna, "Pathian (Brahman) leh kan thlarau (Atman) chu thuhmun a ni tih hriat hi thiltih ang zêla pian chhâwnna (Karma) laka chhuahna a ni," tih nên a inhnaih hle. Kristiante zirtîrna kal tluang zêi erawh chu hei hi a ni—Tupawh Lal Isua ring apiang chhandamin an awm ang, tih hi.

Z. Pathian anpuia siam mihring an tlûk khân an eng lai leh eng chen nge tlu a, thi le?

Ch. Eng lai leh eng chen nge tlua thi? tih chu Baibulin khawi lai leh eng chen nge tih a thliar lo va, mihring pum pui a ni mai ang chu. Tlu tih leh Thi te hi entîrna tawngkam a ni a. Mihringin ama duh thu ngeia Pathian thupêk a bawhchhiat a, Pathian laka a hel a, Pathian nên an inzawmna a lo chah tâk thu sawina a ni. Mihringin Pathian a do va, hmêlma a lo ni ta a, mihringin Pathian thupêk a bawhchhia a, mi sual a lo ni ta te kan ti thei bawh ang a. Sual leh thihna chuan mihring pum pui chu a fan chhuak ta vek a. Sâm ziaktu chuan,

"Ngai teh, khawlohnâa dinin ka awm a,
Ka nun sualin mi pai a," a lo ti a (Sâm 51:5)
Isaia pawhin Israelte sualna a sawinsah
"Kephah hnuaî aţanga lu thleng zakin

dam lai rêng rêng a awm lo;
pem te, vuak duk chur te, pân hnai la te
hlfr a ni," a lo ti bawk a, (Isaia 1:6).

Tirhkoh Paula pawhin,

"Tumah mi fel tak rêng an awm lo,
Pakhat mah an awm hauh lo;
Tumah hre thiam rêng an awm lo,
Tumah Pathian zawng rêng an awm lo.
A ni lo lamah an pêng ta vek a,
Engmaha tlâktlai lovin an lo awm ta vek a;
Tumah thil tha ti rêng an awm lo,
Pakhat tê mah an awm hauh lo;
a lo ti bawk a (Rom 3:10-12).

Hêng thute hian mihring pum pui hi khawi lai
mah hmaih lovin sualin a fan chhuak vek tih
a lantîr a ni, an ti.

Z. "Mihring hi ring thei pawh kan awm lo va,
kan rinna pawh hi Isua min tihsak vek a ni,"
an ti a, hei hi a dik em?

Ch. Kristianten 'rinna' kan tihah hian thil pathum
tangho tlat tûr a awm; Ringtu, a rina, leh
rinna te hi. Ringtu chu mihring a ni a, a rina
chu Isua a ni a; ringtu leh Isua chu rinna
chuan a zawm a, ringtu chu tu dang ni lovin
mihring hi a ni. Amaherawhchu Isua chu rin
tûra chu a ni a, kan rinna siamtu a nih
bawk avângin a tel lovin mihring tân rin tlâk
dang rêng a awm lo. Tin, Thlarau Thianghlim
tanpuinain Isua chu mihringin a ring thîn a ni.

Chhandamna siam leh rin tûr kawhhmuh chu Pathian thawh a ni a, Chhandamtu lo rin ve erawh chu mihringte mawhphurhna a ni ve thung a ni (Joh. 3:16) etc.

- Z. Isua ringtute chu Pathian fa an ni Baibulin a tih hi changchawiin, Pathian fa chu Isua a ni si a, keini pawh Isua kan ni mai tite an awm a, Isua a nih theih rêng em?
- Ch. Hetiang zâwnga Pathian thu chhui chu Kristiante zirtîr dân a ni lo va, Hindu zirtîr dân hmanga Pathian thu chhuina a ni a, a dik lo. Hindu chuan engkim hi Pathian aţanga lo chhuak a ni a, engkim hi Pathian a ni a, Pathian (Brahman) leh mihring thlarau (Atman) pawh thuhmun a ni, an ti a. Kristiante erawh chuan engkim hi Pathian siam a ni a, mihring pawh hi Pathian siam a ni a, Isua chu Pathian Fapa a ni a, ringtute chu Isua ni mai lovin, Isua unaute an ni a, Isua roluahpuitu tûrte an ni, kan ti a ni. Isua ni lovin, Isua unaute kan ni zâwk a nih chu. Hindu zirtîrna dân chuan Isua kan ni thei a, Kristiante zirtîrna dân chuan a unaute kan ni zâwk a ni.
- Z. Chhandamna neitu chu eng sual pawh ti palh leh mah se, a chhandamna a bo thei tawh lo em ni?
- Ch. Kan bre lo le. Baibul zirtîrna laipui zawng niin a lang lo. Pathianin mi sual sim a ngaidam thin avângin sual ti palh leh mah se an sim leh chuan Pathianin a ngaidam leh ngoi

ang a. Mahse hetiang zirtirna hi ringtu sual puanhouai duhtute zirtirna a ni ber a, zirtirna him a ni lo vang. A bo theih leh theih loh chu vânah kan la hria ang chu. Kristiante zirtirna kal tluang zêl erawh chu, ringtute chuan sual kalsanin Pathian duhzâwng an ti tûr a ni, tih hi a ni.

- Z. Tûn lai hian Synod-in Bible a letling tha a. Daniela leh Thu Puan an paih dâwn te an ti a; chu lo pawh sawi tûr tam tak a awm a. Baibul lehlin leh tihdanglam hi Synod thu a ni rêng em ni?

Ch Baibul lehlin chu Bible Society thu a ni ber a; Baibul tihdanglam chu tu thu mah a ni lo vang. Roman-in an pawm tawh sa tihdanglam tumna an nei lo a, Protestant-ho pawhin Baibula an pawm tlân tawh sa tihdanglam tumna a awm hek lo. Kohhran malin lo tihdanglam mai theih a ni hek lo. Roman pawhin, Protestant pawhin Daniela bu leh Thu Puan bu paih tumna a awm hek lo. Hetiang dâwt thu hi khawia mi mah an hre lo vang. Kan mite sawithaiha bum chhuah nân an phuachawp mai a ni tih a lang. Chuvângin tumah-in lo hlau sub u. Lehlin that thuah chuan, kan Baibul hman lai hi tawng hlui hman tawh loh leh thu hriat har tam tak a awm avângin, Bible Society-in tûn lai thangtharte hriat theih tûra lehlin that a rawt a. Tûn lai hian Thuthlung Thar lehlin that mêk a ni a. Lehlinna hmasa kha Formal Translation, a inziak dân

zuia lehlinna a ni a; lehlinna thar chu Dynamic Equivalent Translation, Keimahní tawng kal dân anga lehlinna a ni thung dâwn a ni. "Nimahsela a thiltihten Fingi an thiam e" tih chu "Nimahsela finna chu a thiltih ațangin a dikzia a lang a ni," tih a ni tawh ang a. "Jona chu ni thum leh zan thum nghapui kawchhûnga a awm ang khân, Mihring Fapa hi ni thum leh zan thum lei kawchhûngah a awm bawk dâwn a ni," tih pawh, "Jona chu zan hnih khat nghapui kawchhûnga a awm ang khân, Mihring Fapa hi lei kawchhûngah zan hnih khat a awm bawk dâwn a ni," tih a ni tawh ang. Lehlinna thar chu a t̃hat dâwn leh dâwn loh hriat nân Rom bu thar chhuah a ni a. Bookroom-ah siki-a lei theih a ni a. Lei ula, chhiar teh rêng u. Tha in tih t̃heuh kan ring a ni.

- Z.** Tûn lai hian Sakawlh a inpuhna hi a tam ta hle mai a, Sakawlh hi eng ber hi nge maw ni tûra Baibulin a sawi le? Kohhran te hi Sakawlh a ni thei dâwn rêng em ni?
- Ch.** Baibulin Sakawlh a tih chu ring lo sawrkâr, ringtute tiduhdahtu niin a lang a. Tûn laia mi Kohhran, Sakawlh a puhna erawh hi chu huphurh deuhte sawichhiatna ni berin a lang. Roman leh WCC hi an huphurh ber a, Sakawlh-ah te, Nawhchizuarah te, Dânbawhchhepaah te an puh ta t̃hîn a ni. Baibulin Sakawlh nia a sawite chu ring lo sawrkâr, ringtute hnehchhiat-tu leh tiduhdahtu sawrkârte an ni zêl a. Chu-

vângin Kristian Kohhran pâwl hrang engmah hi Baibulin Sakawlh a tih chu an nih theih a rinawm lo. Unaute hmu thiam lotu nih niin unaute hmangaihtu nih hi a tha zâwk ang.

- Z.** WCC hi Synod-in a zawm e, an ti thîn a, Synod hian a zawm rêng em? Mizorama Kohhrante hi tute nge maw WCC zawm rêng le?
- Ch.** Tûn hma chuan Zoram Presbyterian Kohhran hian NEICC leh NCCI kal tlangin WCC a zawm thîn a. Zoram Presbyterian Kohhran chu NEICC (North East India Christian Council) member a ni a, NEICC chu NCCI (National Council of Churches) member a ni leh a, NCCI chu WCC (World Council of Churches) Associate member a ni leh a, hetiang hian WCC kan zawm thîn a. Tûnah erawh chuan India Hmâr-chhak Presbyterian Kohhran hi NCCI member kan lo ni ve ta a. NCCI chu WCC Associate member a ni a, hetiang hian WCC kan zawm dân a lo hnai leh ta hret a ni. Member pui-ting ni tûrin Kohhran-in WCC hi a zawm thei a, zawm pawh an tam. Chutiang chi erawh chuan Zoram Synod hian WCC a zawm lo. Tin, Mizorama Kohhran NEICC leh NCCI kal tlanga WCC zawmtute chu Zoram Baptist Kohhran leh Independent Church of Maraland (ICM) te an ni. Tin, Salvation Army pâwl hi WCC member an ni thîn a, an Headquarters London Office a tlangin an zawm a; mahse hmân deuh lawk khân WCC member ata an bâng a, a tûl anga thawh-bo erawh chu an hnial lo. Mahse Mizoram

Salvation Army pāwl chu NEICC an la nih reng avāngin NEICC leh NCCI kal tlanga WCC zawmtu chu la ni āwm tak an ni. Pāwl dang, tu Kohhran mah thawhpui thei lo chite tân crahw chuan tel ve ngaihna a awm lo.

Z. WRC te hi an ti leh zêl a, hei hi engnge maw a awmzia le? WCC te nên hian inzawmna an nei rêng em?

Ch. WRC chu World Religious Congress tihna a ni āwm e. Hmân deuh khân sakhaw tinah Pathian inhriattîrna awm veka rinna leh sakhaw tin hian Pathian pakbat hming hrang hrang Jehova te, Allah te, Rama te vuahin biak dân hrang hrangin kan be mai nia rinna a awm a. Chutiang a nih ring deuhho chu sakhaw hrang hranga mi khawiah emaw an kal khâwm thîn a, an zîngah chuan Kristian thenkhatte pawh an tel ve a ni āwm e. An inkhâwmnaah chuan Baibul te, Koran te, Veda te an chhiar thîn niin an sawi a. Tûn lai chuan hetiang tiho hi an rêm ta emaw ni, an thâwm kan hre ngai lo hle. WRC chu pāwl pawh a ni lo va, a duh apiangin mihlim khâwmpui an ko leh mai thîn ang deuh hian, a duh apiangin World Religious Congress chu an ko leh ringawt mai thîn a ni āwm e. WRC chu pāwl pawh a ni lo va, WCC nên inzawmna an neih rêng kan hre lo. Sakhua zawng zawngin Pathian tak pawh veka rinna chu Kristiante rin dân a ni lo. Lal Isua chaub hi Pa hnên thlenna kawng a ni, kan ti a ni.

Z. Mf thenkhatin mihringia tih theih a nei lo, rinna kan tih te pawh hi Pathianin a Papa Isua a rinna hi kan rinnaah a pawm mai zawk a ni, an tih te hi a dik thei reng em le?

Ch. Dik thei lo. Hetiang zirtirna hi Ephesi 2:8 thu, "Rinna avanga Khawngaihnaa chhandam in ni si a; chu pawh chu nangmahnia chhuak a ni lo va, Pathian thilpêk a ni," tih brilhfiahna dik lo atanga lo chhuak niin a lang. He châng hian mihringin engmah a ti thei lo va; rin pawh a ring thei lo tih a sawi lo va. Miten Lal Isua an rin chuan Pathianin khawngaihnaa in a chhandam ang tih a sawi zawk a. "Lal Isua in rin avângin Pathianin khawngaihnaa in a chhandam che u a ni e," a tihna a ni. "Chu pawh chu nangmahnia chhuak a ni lo va, Pathian thilpêk a ni," tih hian ringtuten an phu vâng ni lo va, Pathianin athlâwna a chhandam thu a sawi mai a ni. Tirhkoh Paula hian englai mahin Pathianin Isua a rinna chu kan rinnaah a pawm mai a ni tih a sawi lo va, a lam hawi pawh a sawi ngai hek lo. Rinna a sawi apiangin miten Pathian an rinna emaw, Isua an rinna emaw a sawi thin a. Hetah pawh hian Ephesi Kohhranin Lal Isua an rin avanga Pathianin Khawngaihnaa athlâwna a chhandam thu a sawi a ni. Chhandamna chu rinnain an hlawh a ni lo va, Pathian chhandamna thilâwnpêk chu rinna kut ruakin an lo dawng mai a ni; miten thil min pea kut ruaka kan lo dawng thin ang hian. Thilthilâwnpêk chu a dawng duhin an dawng a, a duh lovin

an dawng lo ang hian Pathian ehbandamna thlawnpök chu Lal Isua ring duh aplangin an dawng dawn a ni. Ring duh lo erawh chu thiam loh changin an awm ang.

- Z. Synod hotute hian WRC an zawm ru a, millem betute nêñ an inthural a, milem hmaah pawh an kûñ tawh e, an ti a. Hei hi sawi kai awm ngaihbel theih thil a awm em?

Ch. WRC chungchâng kan sawi tawh a. Zawm rôk tûra pâwl ding a ni lo a. A chanchin chhui tûr pawh kan hre tiêm. Kan mite bum chhuah tumtute dâwt phuahchawp, a phuahutute pawh-in an âwih bîk loh tûr chi a ni e.


- Z. Thu inâlkah deuh pawh a ni thei a, han inzâwt ta zêl mai ila, campaign leh camping lo-vah hian a pianthar theih loh em ni?

Ch. Pianthar theih e. Hetiang Campaign leh camping chin a nih hma phei chuan Campaign leh Camping-a pianthar theih a ni tih pawh an hre hlei nêñ. Inkhâwmnaah te, Mual Inkhâwmnaah te, lénkhâwmnaah te, mahni awmna hmunah te mi tam tak an piangthar a ni. Pianthar-na chu Lal Isua, Lal leh Chhandamtu atâna riana leh pawmna a ni a. Khawiah pawh Lal Isua chanchin an hrilhna apiangah leh an briat-na apiangah a pianthar theih a ni.

- Z. Inkhâwm te, Thawhlâwm thawh te leh thil tha thê reng reng hi Thuhrita vâk tam ber hian engmah a ni lo, an ti thin a. Synod Revival

Campaign lah hian simna tel lova pianthar hi a hlahawm a ni, an ti mai si a. Sim zawh sên a har si a, engtia pawm tûr nge ni ang le?

Ch. Inkhâwm te, Thawhlâwm thawh te leh thil tha tih te hi ringtute awm dân tûr a ni a. Chhandam nihna ni lovin chhandamte tih tûr a ni zâwk a ni. Piangthar si inkhâwm te, thawhlâwm thawh te, thil tha tih te ngahsak lo chu mahni tâna piangthar, Pathian tâna piangthar lo an ni a, mahni tâna sum khâwla Pathian lama ngah si lote ang an ni ang. Nulain mo nihna hi an hlawh ngai lo va, mahse mo an nih veleh moneitu hna an thawk nghâl thîn ang hian, chhandamtu hna kan thawk nghâl tûr a ni a, a duhzâwng kan ti tûr a ni. "Thil tha ti atân Krîsta Isuaah chuan slama awmin, ama kutchbuak kan ni si a: chu thil tha tih chu kan awmna tûrin Pathianin a buatsaih lâwk a ni," tih zia ang hian (Ephesi 2:10). Yin, simna thuah pawh Lal Isuan, "Sim ula, Chanchin Tha hi ring rawh u," a ti a (Mk. 1:15). Sim zawh sên a har emaw har lo emaw, kan sualte kan sim tûr a ni ringawt mai a ni. Tûn lai hian "Chhandamna made easy" kan sawi uar lutuk a, Chanchin Thain a phôt simna hi kan sawi uar tâwk lo a ni mai thei a ni. Apostol Petera pawhin Pentikos ni khân, "Sim ula, in sualte ngaihdam nân Isua Krîsta bmingin bap̄tisma chang theuh rawh u," a ti baw a (Tirh. 2:38). Chanchin Tha hian simna a phôt tlat tih a Chiang a Chuvângin, "Simna tel lova pianthar chu a hlahawm," an tih pawh



HRUAINA ENG IV

hian, inzirten Chanchin Tha an hrit dān a rem
a. Hritu tana thil pawimawh tak chu sual
sua a ni reng a ni.

Kan rama Kristiante hian dikna lampang hi
kan va inzirtir uar lo ve maw le?

Ch. Tūn lai hian Campaign leh Camping kan uar a,
chhandamna insawi awl siakin kan hmanhiel a,
a hahtblak lam Kristian nun tha, sual sim-
na te, thil tha tih te, dikna te leh hmangaih-
na te chu kan hlamchbiah ta, innghituah harh
a hun hle. Lalpa chuan, "Rorēlna chu tuite
angin leh felna chu lui lian angin luang rawh
te," a tr a ni (Amosa 5:7,24). Lalpa hnēna
kan chan tūr chauh sawi vāwng a, a tana kan
tih tūr bre ve duh si lo chu, "Lalpa, Lalpa,
mi ti nazawng chu," Lal Isuan a tihate kha
kan ni mai ang tih a hlauhawm hle (Mat. 7:21).

Z. Thlarau Thianghlim hi dil chi a ni lo, kei-
mahniah a awm reng alāwm, an ti a Kan
dil lo mai dāwn em ni ang?

Ch. Ni lo ve. Lal Isuan, "In Pa vāna mi chuan
a dritute chu Thlarau Thianghlim a va pe dāwn
em," a ti a (Lk. 11:13). Thlarau Thianghlim
chu ringtute hnēna chatuana awm tura tiam ni
mah sela. (Jn. 14:16) dil chi a ni a, dil zel
tūn a ni. Tekkhibna tūr dang a awm leh a-
vāwng Thlarau thil hi Khawvel thilin an teh-
khu thil a, mahse fisa thilin Thlarau thil hi
a tekhu zo lo fo mai. Thil kan neih tawh
reng chu dil leh thil a ngai em ni? an ti a

ni ang a; Thlarau thlah chuan kan neih tawh hi dil leh thin a ngai a ni. "Dil a tul tawh lo," "Tawngtai a tul tawh lo," titute hian an hre sual nasa a ni.

Z. Ephraima thlah kan ni, tih te hi a awm a, kan ni thei reng dawn em ni?

Ch. Ephraima fate nih loh chuan, "Ephraima thlah kan ni," ti ti mah ila, kan ni tak tak chuang lo. Ni lo pui kha ni sawiin kan insawi ang a, ni lo pui kha ni awmin kan awm mai a ni zawk ang. Ephraima thlah kan ni titute hian Ephraima thlah nia inchhui luhna fumfe engmah an nei lo. Israelho nen hian inanna tam tak kan nei a, sakhaw biak dânah te, thil tih dânah te, tawngkamah te inanna tam tak kan nei a. Israel mi thenkhat China-ah an pêm lût a; keini hi China atanga lo tla thla kan ni an ti bawks a, Israel kan ni a ni ang, Ephraima thlah kan ni ang, tih thu mai mai a ni a. Pa han inham buaina tûr a ni lo ve. Israel emaw, Ephraim emaw ni tûr chuan an thlahte nih a ngai a, inanna thu hla mai mai a ni lo. An thlahte kan nihna tak sawi tûr engmah an hre lo. Ephraima thlah kan ni, titute hian kan nihna tak tak an hriat avânga ti an ni lo va, nih an duh avânga ti mai an ni a. An thu hian belh chian a dâwl lo va, Chhûra'n Champhai a vaw zâwl tih ang vêl a ni.

Z. Ephraima thlah emaw, Israel emaw pawh hi lo ni ta teh reng ila, chhandam nih phah theih mai em ni?

Ch. Ni chuang lo ve. Tirkoh Paula'n "Israel mi zawng zawng chhandamin an awm ang," (Rom 11:26), a tih hi changchawiin Israel mi nih emaw, Ephraima thlah nih emaw chu chhandamna ni dâwnin an hre ta mai ni tûr a ni. Mah-se Chanchin Tha chuan Lal Isua ring lo chu eng hnam mah chhandam ni dâwnin a sawi si lo. Chuvângin Tirkoh Paula pawh hian chutih hunah chuan Israel mi zawng zawngin Lal Isua an ring ang a, chhandamin an awm ang, a tihna ni ngei tûr a ni. Ringtu nun kawng hi a hahthlâk êm avângin a pumpelhna kawng hnai awm se an duh a. Israel mi nih emaw, Ephraima thlah nih emaw chu a pumpelh, chhandamna kawng hnai niin an ring a ni ang a, tihfuh a rinawm tehchiam lo.

Z. Thusawi thiam thenkhatte hian Thawhlehnna hran a awm tawh lo, kan tho leh reng tawh alâwm, an ti a. Krista Thawhlehnna ringtute hi tho leh kan lo ni reng tawh mai em ni?

Ch. Ni mai lo vang. Ringtute hian Krista Thawhlehnna zâr kan zo va, thihua ata kan chhuak a, nunnaah kan lût a. Hei hian Thawhlehnna kan beiseiah chuan min hruai lût dâwn a ni. Lal Isuan, "Tupawh ka tisa eia, ka thisen in chuan chatuana nunna a nei tawh, ni kin nlah chuan ani chu ka kaitho vang," a ti a ni (Jn. 6:54).

Z. "A vuakna vuaftea tihdamin kan awm tawh alâwm, ringtu chu na thei a ni lo va, thi thei sawh a ni tawh lo va, damdawi ei pawh a ngai

tawh lo," tih zirtirna chak tak te hi engtia pawm tär nge maw ni le?

Ch. Amah ringtu chu a vuakna vualtea tihdam chu ni teh meuh mai e, amaherawhchu he kan taksa damna lam atäna duhthusäm zuia mahni hma sial taka, nat loh, thih loh, damdawi ei loh tih lam hi chu Isua zirtir dân ni pawhin a lang lo e. Isua ring apiang na thei lo, thi thei lo kan nih chuan he sual pu taksa hian kan kumhlun hlawm dâwn tibna a ni ang a, mi sual kumhlun awm khâwm chu a nuam lo hle ang. He sual pu taksa hi a nat pawh a phal a, thih pawh a phal a ni, a vuakna vuala tihdam, vân taksa ropui a lo lan theih nân mihring tân vawi khat thih ruat a ni..... thi tûr chuan nat te hi a ngai tlat a ni. Damdawite phei hi chu chaw ang bawk a ni a, Isua pawh in taksa tihdam nân hmanraw chi hrang hrang a hmang thîn a nih kha.

MIZORAM STATE LIBRARY

Accession No. _____

Acquired by _____

Classified by 100 _____

Classified by _____

Submitted by _____

Transmitted by _____

Location No. _____